

Wat heescht dat fir Iech als Lieser oder Visiteur vun der BnL?

A chronologescher Reiefolleg:

- Zanter dem **Freideg, 21. Oktober** kënnt Dir keng Demande am Prêt international méi maachen. Dir kënnt Är ausgeléinten Dokumenter ewéi gewinnt zrëckbréngen. Mir bidden Iech, d'Delaie vum Prêt ze respektéieren. Dir kënnt och keng Acquisitiounsvirschléi (propositions d'acquisition) méi iwwert den a-z.lu maachen.
- All Reservatioun vun Dokumenter, déi **bis en Dënschdeg, 22. November** gemaach gouf, gëtt 7 Deeg méi laang fir Iech gehalen (vu 7 op 14 Deeg). Dir kënnt d'Dokument och op der Plaz am Liessall consultéieren. All Prêt, dee **bis en Dënschdeg, 22. November** inclus gemaach gouf, gëtt fir d'Dauer vun der Transitioun automatesch verlängert.
- Ab dem **Mëttwoch, 23. November** kënnt Dir keng Reservatioun, kee Prêt a keng Verlängerung vum Prêt vun Dokumenter méi maachen. Dir kënnt Iech och net nei an enger Bibliothék vum bibnet.lu Réseau aschreiwen, an och Är existéierend Aschreiwung net verlängeren.
- Ab dem **Mëttwoch, 23. November** fiert de Bicherbus keng Tournéeën, an d'Reservatiounen an d'Acquisitiounsvirschléi vun Dokumenter si gespaart. Betraff sinn d'Tournéeën T03 (23.11), T04 (24.11), T06 (29.11) an T15 (26.11). Fir weider Informatiounen kuckt w.e.g. am Kalenner op der Websäit www.bicherbus.lu. D'Dokumenter, déi virum Dënschdeg, 22. November reservéiert goufen, gi bis zur nächster Tournée gehalen. Den Delai fir lafend Prête gëtt automatesch verlängert.
- **Während desער ganzer Zäit hu Dir Accès** op eis digital Offer (ebooks.lu, wëssenschaftlech Online-Ressourcen). Och den eluxemburgensia.lu ass weiderhin disponibel. De Liessall bleift op fir d'Lieser vun der BnL. Dir kënnt d'Dokumenter aus dem Liessall oder Är reservéiert Dokumenter duerchkucken; d'Imprimanten an d'Scannere fonctionéieren ewéi gewinnt; Dir kënnt d'Dageszeitungen, an déi aktuell Ausgabe vun den Zeitungen an Zäitschrëften am Liessall consultéieren; an Dir kënnt Är ausgeléinte Bicher zrëckbréngen.

Ab **Mëttwoch, 30. November** kënnt Dir ewéi gewinnt erëm an Är Bibliothék goen an Iech aschreiwen, Är Aschreiwung verlängeren, Är Dokumenter zrëckbréngen an Är reservéiert Dokumenter siche kommen; Dir kënnt d'Servicer vun Ärer Bibliothék notzen iwwert den a-z.lu, fir ze reservéieren, ze verlängeren an Acquisitiounsvirschléi ze maachen; D'Servicer vum Prêt international a vum Bicherbus funktionéieren och erëm.

Wat musst Dir maachen, fir Iech am a-z.lu déi 1. Kéier nom 29. November unzemellen?

Wann Dir déi 1. Kéier op de **Portal a-z.lu** gitt, musst Dir **Äert Passwuert zerécksetzen**, fir erëm vun eiser ganzer Online-Offer ze profitéieren. Äert aktuell Passwuert ass wéinst dem Schutz vun Äre perséinlechen Daten net migréiert ginn.

- Klickt op „s'identifier/anmelden/sign in“.
- Wielt den institutionelle Grupp vun Ärer Bibliothék aus. All Bibliothék gehéiert zu engem bestëmmte Grupp vu Bibliothéiken (ëffentlech Bibliothéiken, Schoulbibliothéiken, ...). Kuckt w.e.g. op der Iwwersiicht, zu wéi enger Grupp vu Bibliothéiken Är Bibliothék gehéiert.
- An der Fënster „Connectez-vous à votre compte / Mit ihrem Konto anmelden / sign in to your account“ hutt Dir 3 Méiglechkeeten:
 1. Dir sidd bei der Universitéit Lëtzebuerg ageschriwwen, klickt op de Link uni.lu fir Iech unzemellen.
 2. Dir sidd an enger Schoul ageschriwwen, klickt op de Link CGIE fir Iech unzemellen.
 3. Dir sidd an enger anerer Bibliothék aus dem bibnet.lu Réseau ageschriwwen, z.B. der BnL, klickt op „Mot de passe oublié/ Passwort vergessen/ Forgot Password“. Gitt am Feld „User identifier/Benutzerkennung/Identifiant usager“ Ären Identifiant un, a klickt op Soumettre/Absenden/ Submit ».Suivéiert d'Instruktiounen vum Message déi op Är E-Mail Adress geschéckt goufen. Dat neit Passwuert soll minimum 11 Charakteren hunn, mat grouss a kleng Buschtawen, Zuelen a Spezialzeechen; Dir dierft Ären Numm oder Deeler vun Ärem Numm net benotzen. Nodeems Dir Äert neit Passwuert aginn hutt, kënnt Dir Iech normal op a-z.lu aloggen.

Op Ärem Lieserkonto: fannt Dir Är Demanden a Prêten, déi nach opsti vu virun der Transitioun, an Är aktiv Transaktiounen vum Prêt international.

Är **Favoritten** (ofgespäichert Notizen a Recherchen, an hire Historique) vun Ärem Konto gi net mat migréiert. Dir hutt awer d'Méiglechkeet déi Donnéeën bis de Freideg, 25. November via den EasyBib ze exportéieren. **Leider fonctionéieren och d'Linken zu de** bibliographeschen Notizen, déi Dir an Äre Favoritte gespäichert hutt, net méi.